

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), a u vezi člana 64. stav 3. alineja 3. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) i tačke I i II Odluke o bližim kriterijima za imenovanja u upravne odbore zdravstvenih ustanova u vlasništvu Federacije Bosne i Hercegovine, odnosno jednog ili više kantona i Federacije Bosne i Hercegovine zajedno („Službene novine Federacije Bosne i Hercegovine“, broj: 54/10 i 59/10), na prijedlog ministra Ministarstva zdravstva, Vlada Zeničko-dobojskog kantona, na 94. sjednici, održanoj dana 18.02.2021. godine, d o n o s i

ZAKLJUČAK

I.

Pokreće se postupak izbora člana, odnosno delegiranja predstavnika u Upravni odbor Univerzitetskog kliničkog centra Sarajevo, predstavnika Zeničko-dobojskog kantona, zbog isteka mandata predsjednika i članova Upravnog odbora imenovanih rješenjem Vlade Federacije Bosne i Hercegovine broj V. broj: 34/17 od 13.01.2017. godine i V. broj: 641/2017 od 30.05.2019. godine.

II.

Zadužuje se Ministarstvo zdravstva da objavi javni oglas u „Službenim novinama Federacije Bosne i Hercegovine“ i jednom dnevnom listu velikog tiraža, u skladu sa Zakonom o ministarskim, vladinim i drugim imenovanjima Federacije Bosne i Hercegovine, Zakonom o zdravstvenoj zaštiti i Odlukom o bližim kriterijima za imenovanja u upravne odbore zdravstvenih ustanova u vlasništvu Federacije Bosne i Hercegovine, odnosno jednog ili više kantona i Federacije Bosne i Hercegovine zajedno.

III.

Ovaj zaključak stupa na snagu danom donošenja.

PREMIJER

po Odluci predsjedavajućeg Skupštine

Mirnes Bašić

Broj: 02-_____ /21

Datum, 18.02.2021. godine
Zenica

DOSTAVLJENO:

1x Ministarstvo zdravstva,
1x a/a

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine FBiH", broj: 12/03, 34/03 i 65/13), člana 64. stav 3. alineja 3. Zakona o zdravstvenoj zaštiti ("Sl. novine FBiH", broj: 46/10 i 75/13) i tačke I i II Odluke o bližim kriterijima za imenovanja u upravne odbore zdravstvenih ustanova u vlasništvu Federacije Bosne i Hercegovine, odnosno jednog ili više kantona i Federacije Bosne i Hercegovine zajedno („Sl. novine FBiH“, broj: 54/10 i 59/10), Ministarstvo zdravstva Zeničko-dobojskog kantona, objavljuje

JAVNI OGLAS

za izbor i nominiranje člana Upravnog odbora Univerzitetsko kliničkog centra Sarajevo, predstavnika Zeničko-dobojskog kantona

Objavljuje se javni oglas za izbor i nominiranje člana Upravnog odbora Univerzitetsko kliničkog centra Sarajevo, predstavnika Zeničko-dobojskog kantona (u daljem tekstu: Upravni odbor UKCS).

Opis pozicije

Članom 65. Zakona o zdravstvenoj zaštiti („Sl. novine FBiH“, broj: 46/10 i 75/13) propisan je sljedeći djelokrug rada Upravnog odbora UKCS: donošenje statuta zdravstvene ustanove, imenovanje i razrješavanje direktora odnosno v.d. direktora zdravstvene ustanove, utvrđivanje planova rada i razvoja zdravstvene ustanove, utvrđivanje godišnjeg programa rada, donošenje finansijskog plana i usvajanje godišnjeg obračuna, donošenje opštih akata o unutrašnjem uređenju i sistematizaciji poslova i druge opšte akte, saglasno zakonu i statutu zdravstvene ustanove, odlučivanje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjeravanje, kontrolisanje i ocjenjivanje rada direktora, rješavanje svih pitanja odnosa s osnivačem, odlučivanje o korištenju sredstava preko iznosa utvrđenog statutom zdravstvene ustanove, odgovaranje osnivaču za rezultate rada zdravstvene ustanove, odlučivanje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa, podnošenje osnivaču najmanje jedanput godišnje izvještaja o poslovanju zdravstvene ustanove i obavljanje drugih poslova saglasno zakonu i statutu zdravstvene ustanove.

Mandat člana Upravnog odbora UKCS traje četiri (4) godine od dana imenovanja, uz mogućnost ponovnog imenovanja na još jedan mandatni period.

Članu Upravnog odbora pripada mjesečna naknada za rad u iznosu koji utvrđuje Vlada Federacije Bosne i Hercegovine.

Opći uvjeti za imenovanje

Kandidati za poziciju člana Upravnog odbora UKCS, predstavnika Zeničko-dobojskog kantona, treba da ispunjavati sljedeće opće uvjete:

1. da su državljani Bosne i Hercegovine,
2. da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja javnog oglasa za navedenu poziciju,
3. da se na kandidata ne odnosi član IX. 1. Ustava Bosne i Hercegovine,

4. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine FBiH", broj: 12/03, 34/03 i 65/13),
5. da nisu član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj: 70/08),
6. da nemaju privatni-finansijski interes u UKCS,
7. da nisu direktori zdravstvene ustanove, odnosno zavoda,
8. da nisu članovi ni u jednom upravnom, odnosno nadzornom odboru ustanove, zavoda, odnosno privrednog društva sa većinskim državnim kapitalom,
9. da nisu osuđivani za krivično djelo nespojivo sa dužnošću u upravnom odboru zdravstvene ustanove, odnosno zavoda.

Posebni uvjeti za imenovanje

Pored ispunjavanja općih uvjeta kandidati za imenovanje u upravni odbor UKCS moraju ispunjavati i sljedeće posebne uvjete:

1. da imaju završen VII stepen stručne spreme pravnog, ekonomskog, tehničkog i zdravstvenog usmjerenja,
2. da imaju najmanje 5 godina radnog iskustva na poslovima svog stručnog naziva,
3. da imaju stručno znanje iz djelatnosti zdravstvene ustanove, te da su upućeni u sadržaj i način njenog rada,
4. da imaju sposobnost upravljanja finansijskim sredstvima i ljudskim resursima, kao i sklonost timskom radu.

POTREBNI DOKUMENTI

Prijave kandidata na javni oglas treba da sadrže: kraću biografiju, adresu i kontakt telefon.

Uz prijavu treba dostaviti originalne dokumente ili ovjerene kopije tih dokumenata kao dokaze o ispunjavanju općih i posebnih uvjeta i to:

1. univerzitetsku diplomu,
2. uvjerenje o državljanstvu ne starije od 6 mjeseci,
3. dokaz o radnom iskustvu na poslovima svog stručnog zvanja,
4. ovjerene izjave iz tačke 2. 3. 4. 5. 6. 7. i 8. „Općih uvjeta za imenovanje“.

Dokaz da kandidat nije osuđivan za krivično djelo nespojivo sa dužnošću u upravnom odboru zdravstvene ustanove (tačka 9. „Općih uvjeta za imenovanje“) Ministarstvo zdravstva će zatražiti od kandidata kojeg ministar zdravstva predloži Vladi Zeničko-dobojskog kantona, kao prijedlog za konačno imenovanje koje vrši Vlada Federacije Bosne i Hercegovine.

Sa kandidatima koji uđu u uži izbor Komisija za izbor će obaviti intervju. Prije intervju kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o kandidatima.

Prilikom pristupanja kandidata na intervju, kandidat je obavezan ispuniti obrazac u

kojem će iznijeti bilo koje pitanje ili mogućnost koja bi mogla dovest do sukoba interesa u slučaju da dođe do njegovog imenovanja.

Lični podaci o podnosiocima prijava mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Sl. glasnik BiH“, broj: 49/06, 76/11 i 89/11).

U skladu sa članom 16. Zakona o ministarskim, vladinim i drugim imenovanjima Federacije Bosne i Hercegovine, zainteresirana stranka može podnijeti prigovor na konačno imenovanje.

Prigovor se podnosi Federalnom ministarstvu zdravstva u roku od sedam (7) dana od dana dostavljanja obavijesti kandidatu o izvršenom konačnom imenovanju, a kopija prigovora se dostavlja Ombudsmenu za ljudska prava Bosne i Hercegovine.

Prijave sa traženim dokumentima dostavljaju se lično ili poštom na adresu: Zeničko-dobojski kanton – Ministarstvo zdravstva, Kučukovići br. 2. 72000 Zenica, sa naznakom: „PRIJAVA NA JAVNI OGLAS ZA IZBOR I NOMINIRANJE ČLANA UPRAVNOG ODBORA UNIVERZITETSKO KLINIČKOG CENTRA SARAJEVO PREDSTAVNIKA ZENIČKO-DOBOJSKOG KANTONA – NE OTVARATI“.

Javni oglas ostaje otvoren 15 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine“ i dnevnom listu „Dnevni avaz“.

Neblagovremene i nepotpune prijave će biti odbačene.